

Linguarum orientis addiscendarum causa adsedit lectionibus Boffeckii, Dresdii, Hebenstreitii. Philosophiam omnem ex ore Crusii, Telleri, et Hebenstreitii hausit; historiam philosophorum Burscherus, civilem et ecclesiasticam Ernestius, docuerunt. Jam animum applicuit ad theologiae studium, itavit igitur ad Crusium, eiusque praelectionibus, publicis et privatis, interfuit omnibus. Neque tamen neglexit scholas Stemleri, Bahrdtii, Ernestii: fuit igitur inter auditores illius, cum de ecclesiae symbolis differeret; istius, cum theologiam dogmaticam, moralem, harmoniam Euangelistarum, et pastorem prudentiam traderet; huius denique artem interpretandi libros sacros, plerosque N. T. libros, theologiam symbolicam et dogmaticam, illustrantis. Agnoscit, his se doctoribus debere plurimum. Nuper admodum, ut petierat, ad tentamen admissus, Artium Magister e valuis publicis declarari meruit.

HENRICVS NVDOV *seit 1770. Kaiserl. Kaiserl. Prof.*
 GEDANENSIS *erst 25. Oktober, 2. seit 89. Prof. Ph.*
 Medicinae Baccalaureus. *Residet z. B. Petersburg,*

Anno Seculi quod vivimus LII. ibi natus est, patre Joanne Carolo, inter Senatus civitatis Palaeopolitanae Gedanensis Scribas primo, quem amisit quatuordecim; matre, quam adhuc superstitem veneratur, Agatha Eleonora, gente Grischovia. Puerum, patre orbem, paterno animo amplexus est coniux materterae, S. R. Kelzius, ad aedem Mariae pastor, cui, praeter multa alia beneficia, quae gratissimo animo prosequitur, etiam primam institutionem debet. Hoc post quinquennium extincto, venit in disciplinam rectoris Scholae Marianae, Mündelii, paulo post vitrici sui, qui iam sacris praeesit in vico Käsemark, estque ab eo tam liberaliter habitus, et tam praeclare institutus, ut obstrictum se illi per omnem vitam lubens fateatur. E reliquis ludi Mariani praeceptoribus laudat diligentiam et fidem Kalkhofneri, Schulzii, Völkeri. Jam ad Gymnasium academicum transgressus, lectionibus Bertlingii, Verpoortennii, Gralathi, Sendelii, Hanovii, Kühnii, Wernsdorfii, Groddekii denique, interfuit per biennium, eo cum fructu, ut posset bene praeparatus salutare Academiae.

C

demiam.